

# SREDNJOROČNI PLAN RADA INSTITUCIJE

Visoko sudsko i tužilačko vijeće  
01.01.2022DO 31.12.2024

Verzija 4.8.2021.  
04.08.2021

## Sadržaj

<u>Poglavlje 1: Strateški okvir.....</u>	2
<u>Poglavlje 2: Vizija i misija institucija.....</u>	2
<u>Poglavlje 3: Učesnici i partneri.....</u>	2
<u>Poglavlje 4: Osnovna programska opredjeljenja.....</u>	3
<u>Poglavlje 5: Resursi i kapaciteti potrebni za postizanje ciljeva.....</u>	4
<u>Poglavlje 6: Okvir za praćenje provođenja plana i evaluacija rezultata.....</u>	5
PRILOG 1: Akcioni plan Srednjoročnog plana rada institucije	
PRILOG 2: Pregled zakona, drugih propisa i razvojno-investicionih projekata/programa predviđenih Srednjoročnim planom rada institucije	

## Poglavlje 1: Strateški okvir

### Strateški okvir

BiH je u okviru reformskih procesa preuzela brojne obaveze, uključujući i one koje se odnose na učvršćivanje vladavine prava, u čijem ispunjavanju VSTV BiH ima ključnu ulogu. Stoga su prilikom pripreme ovog dokumenta u obzir uzete sve obaveze koje proizlaze iz relevantnih strateških dokumenata, kako slijedi:

1. Reformski program VSTV-a za period 2021. – 2023. godine,
2. Mišljenje Evropske komisije o zahtjevu Bosne i Hercegovine za članstvo u Evropskoj uniji,
3. Analitički izvještaj Evropske komisije,
4. Izvještaj stručnjaka o pitanjima vladavine prava u Bosni i Hercegovini,
5. Sporazum o stabilizaciji i pridruživanju između Evropske unije i Bosne i Hercegovine,
6. Preporuke sa sastanaka Pododbora za pravdu, slobodu i sigurnost,
7. Revidirana državna strategija za rad na predmetima ratnih zločina.

## Poglavlje 2: Vizija i misija institucija

### MISIJA VSTV-A BIH

Misija VSTV-a BiH je da osiguravanjem nezavisnog, nepristranog, profesionalnog, efikasnog i transparentnog pravosuđa u BiH omogući jednak pristup pravdi i jednakost svih (građana) pred zakonom.

### VIZIJA VSTV-A BIH

Vizija VSTV-a BiH je da kontinuirano doprinosi učvršćivanju vladavine prava u BiH.

## Poglavlje 3: Učesnici i partneri

### UČESNICI I PARTNERI

Srednjoročni ciljevi, programi i projekti sadržani u ovom Srednjoročnom planu rada u znatnoj mjeri su određeni strateškim ciljem BiH, ulaskom u Evropsku uniju, što pretpostavlja ispunjavanje brojnih obaveza u predpristupnom periodu. Stoga su u posljednjim krugovima proširenja Evropske unije pregovori o prijemu nove članice i otvarani i zatvarani poglavljem koje se odnosi na vladavinu prava i funkcionisanje pravosuđa.

Imajući u vidu obim i kompleksnost obaveza koje BiH kao potencijalna članica mora ispuniti na tom putu, za ostvarenje ciljeva, programa i projekata utvrđenih ovim Srednjoročnim planom rada neophodno je osigurati visok stepen usklađenosti i koordinacije svih nadležnih institucija, te ostalih partnera u BiH.

Kao učesnici i partneri u ovom procesu se pojavljuju:

- sudovi i tužilaštva na svim nivoima u BiH,
- tijela zakonodavne i izvršne vlasti na svim nivoima u BiH,
- entitetski centri za edukaciju sudija i tužilaca i Pravosudna komisija Brčko distrikta BiH,
- strukovna/ profesionalna udruženja,
- organizacije civilnog društva i građani,
- mediji, te
- Evropska unija, međunarodne organizacije i donatori.

## Poglavlje 4: Osnovna programska opredjeljenja

### OSNOVNA PROGRAMSKA OPREDJELJENJA

Osnovna opredjeljenja institucije izražavaju se u definisanim ciljevima, jednom srednjoročnom, koji je zajednički za sve institucije u sektoru pravde, i jednom specifičnom cilju, koji izražava specifičan doprinos VSTV-a BiH u postizanju zajedničkog srednjoročnog cilja. Postizanje specifičnog cilja osigurava se provođenjem odgovarajućih programa i projekata. Ciljevi na svim nivoima trebaju ispunjavati sljedeće kriterije: specifičnost/ određenost, mjerljivost, ostvarivost, realno planiranje u odnosu na resurse i vremenska ograničenost.

#### SREDNJOROČNI CILJ VSTV-a BiH

Unapređenje odgovornosti, nezavisnosti, efikasnosti i kvaliteta u sektoru pravde u BiH.

#### SPECIFIČNI CILJ VSTV-a BiH

Unapređenje nezavisnosti, efikasnosti, kvaliteta, odgovornosti i transparentnosti pravosuđa u BiH.

#### PROGRAM I PROJEKTI VSTV-a BiH

Program predstavlja instrument za postizanje ciljeva a razrađuje se u okviru jednog ili više projekata, koji predstavljaju grupu srodnih aktivnosti. Za njihovu provedbu može biti zadužena jedna ili više organizacionih jedinica.

Specifični cilj: Unapređenje nezavisnosti, efikasnosti, kvaliteta, odgovornosti i transparentnosti pravosuđa u BiH.

Program: Pružanje podrške pravosudnim institucijama i jačanje odgovornosti nosilaca pravosudnih funkcija (NPF-a).

Projekti:

1. Jačanje efikasnosti, transparentnosti i kvaliteta rada sudova i tužilaštava.
2. Jačanje i primjena mehanizama odgovornosti NPF-a.

## Poglavlje 5: Resursi i kapaciteti potrebni za postizanje ciljeva

### LJUDSKI POTENCIJALI

Na dan 1. maja 2021. godine bilo je 153 zaposlenih, od kojih se 77 finansira iz budžeta VSTV-a BiH (75 zaposlenih i 2 pripravnika), a 72 je angažovano na realizaciji projektnih aktivnosti i financira se iz donatorskih sredstava. Također, na isti dan u VSTV-u BiH su bila angažovana 4 volontera bez zasnivanja radnog odnosa, koji se također finansiraju iz budžeta VSTV-a BiH.

Kad je u pitanju planiranje novog zapošljavanja, na snazi je ograničenje zapošljavanja na osnovu mjera štednje u budžetu institucija BiH. Ograničenje se ogleda u zabrani novog zapošljavanja, čime je planiranje zapošljavanja onemogućeno, jer je zapošljavanje moguće samo popunjavanjem pozicija koje se neplanski uprazne. Plan zapošljavanja i tranzicije zaposlenika u skladu sa novim Pravilnikom o unutrašnjoj organizaciji i sistematizaciji radnih mjesta VSTV BiH je pripremljen i implementacija je u toku.

### IZVORI FINANSIRANJA

Realizacija ciljeva, programa i projekata utvrđenih ovim Srednjoročnim planom rada iziskuje značajna novčana sredstva.

Budžet VSTV-a BiH je odobren u skladu sa mjerama štednje u budžetu institucija BiH, iskazanim u pismu namjere za zaključivanje stand-by aranžmana upućenog Međunarodnom monetarnom fondu. Iz budžeta VSTV-a BiH se sufinansira „Konsolidacija i dalji razvoj pravosudnog komunikacionog i informacionog sistema“.

Sa obzirom na to da budžet VSTV-a BiH nije dovoljan za realizaciju svih projekata utvrđenih Srednjoročnim planom rada, VSTV BiH se u velikoj mjeri oslanja na finansijsku podršku međunarodnih organizacija i donatora. U skladu sa članom 15. stav (11) Zakona o VSTV-u BiH „Vijeće može primati sredstva od međunarodnih donatora za operativni budžet Vijeća, kao i za posebne projekte reforme pravosuđa izvan operativnog budžeta Vijeća. Ta sredstva

se uplaćuju na poseban račun otvoren kod Centralne banke Bosne i Hercegovine. Sredstva se troše po nalogu direktora Sekretarijata, u skladu s propisima o izvršenju donatorskih sredstava koje donosi Vijeće i u skladu sa uslovima ugovora o donacijama potpisanim sa donatorom."

## Poglavlje 6: Okvir za praćenje provođenja plana i evaluacija rezultata

### OKVIR ZA PRAĆENJE PROVOĐENJA PLANA

#### POKAZATELJI PROVOĐENJA

Kod pripreme Srednjoročnog plana rada u obzir su uzeti i pokazatelji koje su razvile Evropska komisija za efikasnost pravosuđa (CEPEJ) i Svjetska banka u okviru Projekta Evropske unije za jačanje kapaciteta za praćenje i evaluaciju u zemljama Zapadnog Balkana i Turskoj, na osnovu kojih će se mjeriti uspješnost provođenja.

Na nivou srednjoročnog i specifičnog cilja utvrđuju se pokazatelji uspjeha, dok se na nivou programa i projekata utvrđuju pokazatelji rezultata .

Pokazatelji se mjere na temelju raspoloživih podataka, a izražavaju se procentualno, brojčano ili opisno.

#### POKAZATELJI USPJEHA

Srednjoročni cilj: Unapređenje odgovornosti, nezavisnosti, efikasnosti i kvaliteta u sektoru pravde u BiH

Pokazatelji uspjeha:

1. Prosječna vrijednost kolektivnog kvaliteta odluka sudova u skladu sa mjerljivim kriterijima VSTV-a; Početna vrijednost 2021 - 88%, Očekivana vrijednost 2024 - 90%
2. Prosječna vrijednost kolektivnog kvaliteta odluka tužilaštava u skladu sa mjerljivim kriterijima VSTV-a; Početna vrijednost 2021 - 94%, Očekivana vrijednost 2024 - 95%

Specifični cilj: Unapređenje nezavisnosti, efikasnosti, kvaliteta, odgovornosti i transparentnosti pravosuđa u BiH

Pokazatelji uspjeha:

3. Prosječna vrijednost kolektivne norme u sudovima; Početna vrijednost 2021 - 93%, Očekivana vrijednost 2024 - 106%
4. Prosječna vrijednost kolektivne norme u tužilaštvima; Početna vrijednost 2021 - 94%, Očekivana vrijednost 2024 - 106%

#### POKAZATELJI REZULTATA

Program: Pružanje podrške pravosudnim institucijama i jačanje odgovornosti nositelja pravosudnih funkcija (NPF-a).

Pokazatelji rezultata:

5. Postotak popunjenosti sistematizovanih pozicija NPF-a; Početna vrijednost 2021 - 88%, Očekivana vrijednost 2024 - 95%
6. Postotak riješenih predmeta u sudovima, izuzevši komunalne predmete (stopa rješavanja); Početna vrijednost 2021 - 96%, Očekivana vrijednost 2024 - 103%
7. Očekivano vrijeme rješavanja predmeta (u danima) u sudovima, izuzevši komunalne predmete (DT); Početna vrijednost 2021 - 342, Očekivana vrijednost 2024 - 300
8. Prosječno trajanje (u danima) svih neriješenih predmeta, izuzevši komunalne predmete; Početna vrijednost 2021 - 414, Očekivana vrijednost 2024 - 395
9. Postotak smanjenja broja neriješenih komunalnih predmeta; Početna vrijednost 2021 - 1%, Očekivana vrijednost 2024 - 1%
10. Prosječna starost (u danima) neriješenih prijava u tužilaštvima, izuzevši KTN i KTA predmete; Početna vrijednost 2021 - 415, Očekivana vrijednost 2024 - 375
11. Prosječna starost (u danima) neriješenih istraga u tužilaštvima, izuzevši KTN predmete; Početna vrijednost 2021 - 702, Očekivana vrijednost 2024 - 622
12. Postotak riješenih prijava u tužilaštvima u odnosu na broj zaprimljenih prijava, izuzevši KTN i KTA predmete; Početna vrijednost 2021 - 90%, Očekivana vrijednost 2024 - 103%
13. Postotak riješenih istraga u tužilaštvima u odnosu na broj naređenih istraga, izuzevši KTN predmete; Početna vrijednost 2021 - 98%, Očekivana vrijednost 2024 - 103%
14. Postotak NPF-a u sudovima/ tužilaštvima koji su prema mjerljivim kriterijima VSTV-a u postupku ocjenjivanja dobili maksimalan broj bodova za kvalitet odluka; Početna vrijednost -, Očekivana vrijednost 2024 - 47%
15. Izrada analiza i izvještaja sa ciljem praćenja rada pravosudnih institucija od strane VSTV-a i u skladu sa tim donošenje odluka iz nadležnosti VSTV-a; Početna vrijednost 2021 - 15, Očekivana vrijednost 2024 - 15
16. Pružanje podrške pravosudnim institucijama u provođenju procesa ocjenjivanja rada NPF-a; Početna vrijednost 2021 - 100%, Očekivana vrijednost 2024 - 100%
17. Postotak smanjenja broja neriješenih KTRZ predmeta u tužilaštvima u odnosu na polaznu osnovu od 571 KTRZ predmet registrovan na dan 1.1.2021. godine; Početna vrijednost 2021 - 571, Očekivana vrijednost 2024 - 457
18. Kontinuirano održavanje transparentnosti rada VSTV-a i pravosudnih institucija; Početna vrijednost 2021 - 100%, Očekivana vrijednost 2024 - 100%
19. Omjer predmeta u kojima je utvrđena disciplinska odgovornost u odnosu na broj pokrenutih disciplinskih postupaka; Početna vrijednost 2021 - 87%, Očekivana vrijednost 2024 - 80%
20. Postotak implementacije procesa prikupljanja i evidentiranja ličnih financijskih izvještaja NPF-a; Početna vrijednost 2021 - 100%, Očekivana vrijednost 2024 - 100%.



M.P

*[Handwritten signature]*

Potpis